



“Vrati se, ne želim pomoć od idolopoklonika!”

Aiša, radijallahu anha, supruga Allahovog Poslanika, sallallahu alejhi ve sellem, kazuje: “Allahov Poslanik, sallallahu alejhi ve sellem, krenuo je prema Bedru i kada je stigao do Harretul-Vebera, susreo ga je neki čovjek koji je bio poznat po smjelosti i hrabrosti. Ashabi Allahovog Poslanika, sallallahu alejhi ve sellem, jako su se obradovali kada ga vidješe. Kada su ga susreli, on reče Allahovom Poslaniku, sallallahu alejhi ve sellem: ‘Dođoh da te slijedim i borim se uz tebe (za ratni plijen).’ Allahov Poslanik, sallallahu alejhi ve sellem, reče mu: ‘Vjeruješ li u Allaha i Njegovog Poslanika?’ On reče: ‘Ne!’ Na to mu Poslanik, sallallahu alejhi ve sellem, kaza: ‘Vrati se, ne želim pomoć od idolopoklonika.’ Zatim smo nastavili i kada smo stigli kod Šedžere, taj čovjek mu priđe i reče mu isto što i prvi put, a Vjerovjesnik, sallallahu alejhi ve sellem, odvrati mu isto što i prvi put: ‘Vrati se, ne želim pomoć od idolopoklonika.’ Čovjek se vratio, a zatim je Poslaniku prišao i kod Bejdaa, pa mu je Poslanik, sallallahu alejhi ve sellem, rekao isto što i prvi put: ‘Vjeruješ li u Allaha i Njegovog Poslanika?’, a on kaza: ‘Da!’ Allahov Poslanik, sallallahu alejhi ve sellem, tada mu reče: ‘Pođi s nama!’”

[Vjerodostojan] [Hadis bilježi imam Muslim]

Hadis nam pojašnjava da se Vjerovjesnik, sallallahu alejhi ve sellem, prilikom odlaska u borbu protiv idolopoklonika na dan Bedra susreo sa jednim idolopoklonikom koji je bio izuzetno spreman, jak, hrabar i odvažan, a htio je da se bori uz Allahovog Poslanika, sallallahu alejhi ve sellem, da bi došao do ratnog plijena. Poslanik, sallallahu alejhi ve sellem, upitao ga je da li vjeruje u Allaha i Njegovog Poslanika, a on je odgovorio da ne vjeruje. Tada ga je Poslanik obavijestio da ne prihvata pomoć od idolopoklonika, jer nije povjerljiv i može se okrenuti protiv muslimana, a izvjesna je i mogućnost izdaje i prenošenja stanja muslimana idolopoklonicima. Zatim idolopoklonik dolazi ponovo, a Vjerovjesnik ga pita da li je primio islam, a on mu to potvrđuje. Tek tada mu Poslanik, sallallahu alejhi ve sellem, naređuje da se pridruži vojsci. Hadis upućuje na to da u borbi nije dozvoljeno prihvatati pomoć od idolopoklonika. Treba napomenuti da je dozvoljeno prihvatiti pomoć od idolopoklonika samo u stanju nužde i potrebe, zbog dokaza koji upućuju na to.

النجاة الخيرية
ALNAJAT CHARITY

